

8-синф дарслигининг «SMM платформалари билан танишиш. Telegram тармоғи» 4-мавзусини веб-квест технологияси асосидаги дарс ишланмасини келтирамиз.

### **Мавзу: SMM платформалари билан танишиш. Telegram тармоғи**

**1-босқич. Кириш.** Ушбу босқичда (SMM платформалари билан танишиш. Telegram тармоғи) мавзусини веб-квест технологияси ёрдамида машғулоти олиб бориш босқичлари тушунтирилади ва дарс якунида ўқувчилар билимини баҳолаш айтилади. Ўқувчиларнинг билими икки босқичда, яъни биринчи босқичда назарий билимлари тестлар ёрдамида баҳоланса, иккинчи босқичда телеграмда яратган шахсий профиллари таҳлил қилиниб баҳолаш тушунтирилади.


**2-босқич. Муаммо қўйилади.** Ечилиши талаб этиладиган қуйидаги вазифа берилади:

- 1) Телеграм тармоғида рўйхатдан ўтиш;
- 2) Телеграм тармоғини созлаш;
- 3) керакли ўқув воситаларини тўплаш.

**3-босқич. Топшириқлар берилади.** Мустақил бажариш учун қуйидаги топшириқлар берилади:

- 1) Телеграм тармоғида шахсий профилида расм жошлаштириш;
- 2) Телеграм тармоғида хавфсизлик тизимини созлаш;
- 3) Телеграм тармоғида папкалар ҳосил қилиш;
- 4) Телеграм тармоғида гуруҳли чат ҳосил қилиш;
- 5) Телеграм тармоғида турли лойиҳаларни юритувчи канал ва гуруҳли чатларни қидириб топиш;


**4-босқич. Маслаҳат ва тавсиялар бериш.** Қўйилган муаммони ечиш ва берилган топшириқни бажариш учун **dr.rtm.uz**, **it-education.uz** ахборот-таълим муҳитларидан фойдаланиш тавсия этилади. Қуйидаги 1-расмда тадқиқот доирасида яратилган ахборот-таълим муҳитининг бош ойнаси келтирилган.



**1-расм. Тадқиқот доирасида яратилган ахборот-таълим муҳитининг бош ойнаси.**

Тадқиқот доирасида яратилган ахборот-таълим муҳитидан ва Халқ таълим вазирлигининг веб-сайтидан мавзуга оид видеодарслардан фойдаланиб, топшириқларни бажариш мумкин бўлади.

Шунингдек, тадқиқот доирасида яратилган ахборот-таълим муҳитига жойлаштирилган дарс ишланмаларидан фойдаланиш тавсия этилади.




**2-расм. Тадқиқот доирасида яратилган ахборот-таълим муҳитининг дарс ишланмалар бўлимининг ойнаси.**

Тавсия этилаётган бўлимда ҳар бир мавзуга оид дарс ишланмалар жойлаштирилган. Ўқувчилар ушбу бўлимдан амалий топшириқларни бажариш учун керакли маълумотларни олиш имкониятига эга (Ҳар бир амалий дастурларнинг яратиш кетма-кетлиги келтирилган).

**5-босқич. Амалий иш жараёни.** Ушбу босқичда Телеграм тармоғида рўйхатдан ўтиш, созлаш, гуруҳли чат ҳосил қилишни ўқувчи мустақил равишда яратади. Бу босқичда ўқитувчи ўқувчиларнинг мустақил равишда бажаришини назорат қилади ҳамда зарурий тавсиялар бериб боради.

**6-босқич. Хулоса.** Ўқувчилар томонидан ташкил этилган шахсий профил ва гуруҳлари муҳокама қилинади ва умумий хулоса қилинади. Энг яхши профил ва телеграм гуруҳи аниқланади.

**7-босқич. Баҳолаш.** Мазкур босқичда ўқувчилар билими баҳоланади. Баҳолаш икки босқичда амалга оширилади: 1. Назарий билимлари (тестлар ёрдамида). Ўқувчиларнинг билимини баҳолашда стандарт тестлар ва кроссвордлардан фойдаланилади. Бу тестлар тадқиқот доирасида яратилган ахборот-таълим муҳитида мужассамлашган:



1 / 10

YouTube saytida ro'yxatdan o'tish uchun ..... buyrug'ini tanlanadi.

Log in

Log up


Sign up

Sign In

Next

**3-расм. Стандарт тестлардан фойдаланиш жараёни.**

Стандарт тестлар ёрдамида «SMM платформалари билан танишиш. Телеграм тармоғи» мавзуси бўйича ўқувчиларнинг назарий билимлари баҳоланса, кроссвордлар ёрдамида эса уларнинг хотираси кўчайтирилади ва зехнини оширишда хизмат қилади:



**YUKLAB OLISH: 4-DARS UCHUN KROSSWORD**  
Yuklab olingan: 9, hajmi: 405.5 KB, sana: 01.03.2022

1. Telegram asoschilaridan biri.
2. Ikki tomon o'rtasidagi yozishmalar nima deb ataladi?
3. Cheklanmagan miqdordagi abonentlarga xabar yuborish mumkin bo'lgan chat.

### 4-расм. Кроссвордлардан фойдаланиш жараёни.

Form2

Savolni tanlang

3-savol. Telegram asoschilaridan biri.


3-savol

1.	C	H	A	T	To'g'ri						
2.	P	A	V	E	L	D	U	R	O	V	To'g'ri
3.	N	I	K	O	L	A	Y	To'g'ri			
4.				E						Xato	
				5.	G						Xato
6.					R					Xato	
				7.			A			Xato	
					8.	M					Xato


Natija Asosiy oyna

### 5-расм. Кроссвордлардан фойдаланиш жараёни.

Иккинчи босқичда ўқувчилар билими ICILS тестлар ёрдамида баҳоланади. ICILS тестлар ўқувчиларнинг мантиқий фикрлашини ва ёзма нутқини, керакли маълумотларни танлаш қобилиятини ривожлантиради. Шу боис, 8-синф «Информатика ва ахборот технологиялари» дарсларида ICILS тестлардан фойдаланиш самарали ҳисобланади. ICILS тестлардан ўқувчиларнинг билимини баҳолашда икки босқичда амалга оширилади. Биринчи босқичда «SMM платформалари билан танишиш. Telegram тармоғи» мавзусида оид назарий билимлари текширилади:




**6-расм. ICILS тестлардан фойдаланиш жараёни.**



**7-расм. ICILS тестлардан фойдаланиш жараёни.**


Иккинчи босқичда эса амалий билимлари баҳоланади. Ўқувчилар ушбу саволга махсус дастурларда яратилган амалий топшириқларни бажариб кўрсатадилар. Бунда қуйидаги топшириқлар берилади:

1. Телеграм тармоғига пароль қўйиш учун қайси банддан фойдаланилади?




**8-расм. ICILS тестлардан фойдаланиш жараёни.**

2. Телеграм тармоғида қўшимча аккаунт қўшиш учун қайси банддан фойдаланилади?



9-расм. ICILS тестлардан фойдаланиш жараёни.

3. Телеграм тармоғидан чиқиш учун қайси тугма босилади?



10-расм. ICILS тестлардан фойдаланиш жараёни.

Ушбу саволга ўқувчи керакли бандини сичқонча тугмасини босиб кўрсатиб жавоб беради.

## ТЕЛЕГРАМ ТАРМОҒИДА РЎЙХАТДАН ЎТИШ

Топшириқ:

1. Телеграм иловасини ишга туширинг.
2. Начать общение тугмасини танланг
3. Вход по номеру телефона бандини танланг.
4. Телефон номерни киритинг: 913383992
5. Телефон рақамига келган кодни киритинг: 12345

Мазкур берилган топшириқларни ўқувчилар махсус яратилган ўргатувчи дастурлар ёрдамида амалий бажариб кўрсатадилар:

### **Topshiriq** Telegram tarmog'ida ro'yxatdan o'tish

1. Telegram ilovasini ishga tushiring.
2. Начать общение tugmasini tanlang
3. Вход по номеру телефона bandini tanlang.
4. Telefon nomerni kiriting: 913383992
5. Telefon raqamiga kelgan kodni kiriting: 12345

### **11-расм. ICILS тестлардан фойдаланиш жараёни.**

Ўқувчилар бу амалий топшириқларни бажариш асосида Телеграм тармоғида рўйхатдан очишга оид кўникмага эга бўладилар.

2. «SMM платформалари билан танишиш. Telegram тармоғи» мавзусига оид ўқувчининг билими стандарт, ICILS тестлардан ва кроссвордлар орқали баҳолангандан сўнг, ўқувчилар билими, амалий ишлари таҳлил қилиниб, баҳоланади. Баҳолашда 2.2-жадвалда келтирилган вазифани тушуниш, қўйилган муаммони ва топшириқни бажариш, ишнинг натижаси, ижодкорлик мезонларига таянилади.